

23 OCT 1999

AGONG HADIR MAJLIS SANTAPAN DIRAJA KEPUTERAAN SULTAN PAHANG

PEKAN, 23 Okt (Bernama) -- Yang di-Pertuan Agong Sultan Salahuddin Abdul Aziz Shah malam ini berkenan berangkat menghadiri majlis santapan diraja sempena ulang tahun ke-69 keputeraan Sultan Pahang, Sultan Ahmad Shah.

Turut berangkat hadir ialah Raja Permaisuri Agong Tuanku Siti Aishah, Sultan Brunei Sultan Hassanal Bolkiah dan semua raja Melayu kecuali Yang Dipertuan Besar Negeri Sembilan.

Majlis itu adalah acara kemuncak sambutan keputeraan Sultan Pahang, yang berlangsung di Dewan Mulia Istana Abu Bakar di sini, dan turut dihadiri ialah Perdana Menteri Datuk Seri Dr Mahathir Mohamad, beberapa menteri Kabinet dan duta-duta asing.

Majlis itu yang juga diadakan sempena sambutan Jubli Perak pemerintahan Sultan Pahang, diserikan dengan persembahan muzik dan nyanyian oleh penyanyi-penyanyi terkenal tanah air.

-- BERNAMA

SHS RI